

loco quotientis ponendus, quilibet numerus in diuisione modo dicto res-
 pertus, regulæ sequentes edocebunt. Prima, si gradus diuiseris per gra-
 dus, dummodo diuidendi sunt diuidentibus pares, in quotiente ueniunt
 gradus, quare tunc numerus quotiens scribendus est supra gradus diui-
 dendi. Secunda, quancunq; minutiam per gradus diuiseris, numerus
 quotiens erit in eadem denominatione, cuius est minutia diuidenda, quæ
 re supra caput eius poni debet. Tertia, si minutas per alias diuiseris, quæ
 tunc diuidendæ semper subtiliores esse tenentur respectu diuidentium, ali-
 as diuisio fieri non potest, denominator quotientis proueniet, quem nu-
 merus relictus post subtractionem denominatoris diuidentis à denomi-
 natore diuidendi denominabit, uel exhibit minutia quotientis, tantum ab
 integro distans, quantum diuidenda à diuidente. Hæc eadem operatio mo-
 tum distributioni temporis accomodabitur, hoc unico obseruato, quod
 quicquid prius de gradibus præcipiebatur, hic denominationi horarum
 attribuitur. Cum autem singula hic explicentur exemplis, præsens quoque p-
 positio conuersa sit immediate præcedentis: supradictum igitur exemplum
 in proposito sic repetatur. Sit diuidendus 35. mi. 34. secund. 44. 10. 55. 45. di-
 uisor uero 53. mi. 29. secund. 45. cuius minutia grossior in fronte tabulæ re-
 peritur, sub qua descendendo in eadem columnella 34. mi. 27. secunda diui-
 dendo propinquior inuenitur, & in eius edirecto linea numeri uersus fini-
 stram 39. scilicet quotientem demonstrat minorum numerum per tertiam regulam,
 & supra caput diuidendi ad denominationem similem debent scribi, atque
 per omnes diuisoris figuras multiplicari per præcedentem, sic producen-
 tur 34. mi. 45. secund. 20. & 15. quibus de diuidendo ablati remanebunt
 48. secund. 23. tert. 55. 55. 45. Cum numerus etiam secundorum & tertio-
 rum illius residui in columnella præfata diuisori directe subiecta inueni-
 ri non possit, eo proximo minor scilicet 47. secund. & 42. recipiatur, cui 54
 sinistrorsum in linea numeri adiacere uidentur, quæ cum immediate succe-
 dent denominationem prioris quotientis erunt secunda, quare supra caput
 secundorum diuidendi scribi debent, & eorum multiplicatione facta cum
 omnibus figuris denominationum diuisoris, eiusdemque producti à diuiden-
 do subtractione. 15. in tertijs 9. in quartis 25. in quintis & 45. in sextis re-
 manere necesse est. Erat namque tale productum 48. in secundis 8. in tertijs 45.
 & 30. Deinde pro habendo nouo quotiente, fiat iterum introitus sub diui-
 sore priori. puta 53. quærendo in eadem columnella residuum diuidendi
 scilicet. 15. tertia & 9. quarta quod in proposito non reperitur præcise, nu-
 merus ergo proximo eo minor, puta 15. tertia, 1. quartum recipiendus est, &
 linea numeri è directo 17. loco affert quotientem, sub tertiorum tamen deno-
 minatione, quæ cum toto diuisoris numero multiplicata 15. tertia. 9. 25.
 & 45. adducunt, quibus ut præcipitur de diuidendo abstractis, tota diuiden-
 di summa conteritur, quod erat propositum.

la
ho
tio

tu
er